

出入隱見而恍惚瞻

帝京其伊邇庶可見其駉鸞駕鶴之髣髴其西則崇
山鬱翠高挹泰岱北接居庸南首河內奇峰擁關
龍門阻隘玉泉垂虹青烟浮黛上截崑崙倚空下
蟠據而際海其麓則有渾河湯湯西湖泱泱溝
琉璃粲乾廣陽雪波泛湧灝漾汪洋瀉千里會流
帝鄉又有上林禁苑種植畜牧連郊踰畿緣立彌谷
澤潞川匯若大湖瀛海渺瀰而相屬其中則有奇
花珍果嘉樹甘木禽獸魚鼈豐殖繁育颺颺籍籍
不可得而盡錄固可以因農隙而校田獵選車徒

以講武事乃遵國風獫狁王制詔期門簡將帥乘玉
輅擁翠蓋出天關而雷轟轢芳郊而雲會非所以
威戎誇狄娛樂騁意蓋將取不姓而除苗害狩無
擇而順殺氣謹大易之用於三驅之時驗騶虞之
仁於一發之際水衡虞人之容與武夫壯士之奮
厲皆知夫仁者之為勇而以投石超距之足鄙亦
何必殄夷禽獸割鮮野食而以俛仰極樂之為貴
也若夫其宮室之制則損益乎黃帝合宮之宜式
遵乎

太祖貽謀之良居高以臨下背陰而面陽奉天凌霄